

I CROUEY MATON

Oun père, aey dou maton. I mey dzouenno a di u père :

« Père, ble-me fûra chin que me revên. »

E i père oeuj'a partadza o bën. Pou de dzo, i douonne a ju to vindu, e e partey proeu yoin vîa.

E bâ réi, a menâ bêa vyâ, e a dabo ju to chênqua.

E adon et'igny pe chi paï ouna grôcha faména. E chichi a couminchiè d'ître geyna.

A toutoun troà ouna plache chin d'oun patron qu'ot'a ëvoéa voarda e kaeon. Aey proeu ënvey de mîndjye chin di tsoeuderië que portàon i Kaeon, ma ey achyéon pa chaminte chin.

Adon et'inu ramutico, ch'e metu à moujatâ : « Oueiro de j'oeuri du père y yan de pan de plîri, e yo, chi, mouro de fan ! Mîerei (?), tornerei chin du père, e ey derei : « Papa ! I proeu ma fé contre o chyè e contre te ; Chei pa mei digno d'îtra i maton à te : prin me coume youn di tchyô j'oeuri. »

E chet'ëa e e tornâ chin du père. Ire adey yoin quan i pare o t'a yu e ..., ey a curu ëncontre e o t'o charrâ p'é brey.

I maton couminchiée à dire : « Père, m'ëngraë d'aey itâ tan croey avoe vo...

Ma i père àche pa furni, e dejej i domestiquyë : « Vito, porta-ey e pli biô j'âlon ! Mettre-ey a bàga u dey e de botte i pyà ! Aa bretchyë o vé ëngrochyâ, boutschië-o. Fajin onna rebôtta : i maton a mé ire mô e ora à vivin ; ire perdu e n'o t'in tornâ a troâ !

An couminchiè a fita. I primyé di maton ire vîa voagnè. Quan è tornâ a avui menâ o roubë, a boéyti, a trompetta, a anterwoâ dequyë chin ire. Ey an di : « I frare a të e torna. E i père a fé a boutchyë o vé po feire fita de chi qu'o t'a troa chan e ën bona santé. »

Âtre ch'é t'ëngrëndjyè, e wouey pa aâ derë. I père è chortey po o t'agrenâ. Ma chichi rognée : « Cho è pa joësto ! I a woueiro d'an que te chërve, e ei truon fê chin que tu dejej... E a më, t'a jaméi baya oun tsebrey po fitâ awo ej'ami. Ma quan che chenapan de maton a te torne blan coume pyò, apréi qu'a to patuchyè ave de cantole a mate (?), por yui tu tchoë o vé grâ ! »

Ma i père dejej : « Ma, bon ënfan, tu t'ey truon awoë më, e to chin qu'èt à më ét'a të : ma falie-t-i pa fêire fita e no je redzoé : i frare a të îre mô e e tornâ ën vyâ, ire perdu, e ora e torna trôa ! »
